

CAPUT TERTIVM

De Fide & Operibus.

I. *Fidem non esse humano iudicio affi-
mandam.*

Quoniam sapientia carnis inimica est Deo, Le-
gi enim Dei non est subiecta, nec enim po-
test.] Non carnem dixit inimicam, sed sapi-
entiam carnis: id est, non substantiam, sed aut malos
actus, aut cogitationem, sive assuerationem, quæ
nascitur de errore. Sapientia ergo carnis est primo
in loco, astrorum ab hominibus † inuenta disputa-
tio, deinde visibilium oblectatio. Hæc inimica Deo † ^{alias,} _{presumte}
sunt, quia elementorum Dominū, & opificem mun-
di his coæquant quæ fecit, astuentes nihil posse
fieri præterquam mundi continet ratio. Quamob-
rem negant Deum fecisse, vt virgo pareret, aut mor-
tuorum corpora resurgerent: quia stultum est, in-
quiunt, vt Deus fecerit ultra quam sapit homo. O
prudentes mundi, qui putant Deum non debere ali-
ter facere, quam ab eo facit condita creatura, vi-
ipse similis creature putetur. *Tom. 5. in cap. 8. Epist. ad* ^{Virginē peper-}
^{rissē et corpo-}
^{ram mortuorū}
^{resurrectura}
^{negant q̄d quā}
^{humana sapie-}
^{entia nitentur.}
Rom.

Non in sapientia verbi, vt non euacuetur crux
Christi.] Pseudoapostoli, ne stulti viderentur pruden-
tibus mundi, in sapientia hominum Christum præ-
dicabant dupli genere, vt & eloquentiæ studerent,
& ea quæ mundus in nobis stulta iudicat, euitarent,
vt neque incarnatum Dei Filium, & de virginē natum
doherent, neque carnis futuram resurrectionē, quia
mundi istud sapientiæ ratio stultum iudicat: ac per
hoc Apostolus non se in sapientia hominum dicit
Christum prædicare, ne euacuetur crux Christi, quia
qui in sapientia hominis Christum annuntiant, ne-
gant veritatem prædicationis.

Et paullo post:

*Quoniam Iudei signa petunt, & Græci sapienti-
am quæ-*

am querunt.] Græci sapientiam querunt, quia nolunt audire præterquam quæ mundi ratione possibilia sunt. Tom. 5. in cap. 1. Epist. 1. ad Corinth.

Animalis ho- Animalis homo non percipit ea quæ sunt Spiritus
mo non aſſe- Dei, stultitia est enim illi.] Pecoribus enim similis,
quitur ea quæ ſenſum ſuum in terram deprimit: idcoque non aſſe-
funt fidei cum quitur niſi quæ videt, nec putat aliquid poſſe fieri
ſenſum iude- quā quomodo ſcīt. Ideo quicquid aliter audit quām
cio in omni- nouit, ſtultitiam iudicat: nihil enim aſtimat poſſe
bus rati- relit. fieri ſine commixtione. Vnde ridet audiens Deum fi-
lium genuiſſe, quem ſcīt ſimplicem & incorpoream,
& virginem peperiſſe, & resoluta corpora rurſum re-
uocari ad vitam, cum hēc magis ad laudem Dei pro-
ficiant, ut credatur feciſſe, cuius operis ratio inue-
ſtigari non poſſit. Tom. 5. in cap. 2. Epist. 1. ad Corinth.

II. Fidem rectam ad salutem neceſſari- am eſſe.

* Matih. 18. Scriptum eſt in Euangelio: * Vbi ſunt duo vel
* Iohann. 1. tres congregati in nomine meo, ibi ego ſum in
medio eorum. Et alibi: * Medius vestrūm ſtat, quem
Ante omniaſi vos neſcītis. Hinc ergo cognoscimus quod ante
des debet nos omnia fides nos commendare Deo debeat. Cūm fi-
deſ commendare dem habuerimus, elaboremus ut opera noſtra per-
fecta ſint. Tom. 4. lib. 2. de Cain & Abel, Cap. 2. Vide &
Deo. cap. 9. eiusdem libri.

Magnus plane vir (Abraham) & multarum virtu-
tum clarus inſignibus, quem votis ſuis philoſophia
non potuerit æquare. Denique minus eſt quod illa
finxit, quām quod iſte geffit, maiorque ambicioſo
eloquentiē mendacio ſimplex veritatis fides. Itaque
cuiusmodi fuerit in eo viro deuotio, conſideremus.
Ea enim virtus ordine prima eſt, quæ eſt fundamen-
tum ceterarum: meritoque hanc ab eo primam ex-
eſtit Deus dicens: * Exi de terra tua, & de cognatione
tua, & de domo patris tui. Tom. 4. lib. 1. de patriarcha
Abraham, Cap. 2.

De sacramentis quæ accepistiſſis, sermonē adorior,
cuius

Fides funda-
mentum eſt
omnium viri
tutum.

* Gen. 12.

cuius rationem non putavi ante præmitti. In Chri- Prima vox ho-
stiano enim viro prima est fides. Ideo Romæ fideles minis Christi-
dicuntur qui baptizati sunt, & pater noster Abraham ani est, Credo
ex fide iustificatus est, non ex operibus. Tom. 4. lib. 1.
de sacramen. Cap. 1.

In quibus & nos aliquando conuersati sumus in
defiderijs carnis nostræ, facientes voluptates carnis
& consiliorum eius, & eramus natura filii iræ, sicut
& ceteri.] Omne peccatum caro dicitur, maxime
perfidia, quæ est totius sceleris mater. Nulli opera Infideli bona
bona & castitas proderit, si sit perfidus. Perfidia enim opera prodes
hæc omnia maculat. Tom. 5. in cap. 2. Epist. ad Ephes. senequeunt.

III. Fidem esse donum Dei.

Sicut post lapsum plerisque, si patiantur, corona Fides Dei do-
reditur: ita si credant, & fides redditur. Quæ fi- num est.
des Dei donum est, sicut habes scriptum: * Quia à * Philip. I.
Deo vobis datum est, non solum ut credatis in eum,
sed etiam ut pro illo patiamini. Tom. 1. lib. 1. de Pœnitentia, Cap. 10.

Igitur fides quæ bonæ voluntatis & iustæ actio. Fides bone vo-
nis est genitrix, quo ipsa fonte nascatur, Apostolus luntatis et iu-
Paullus exponat, qui pro Romanorum fide Deo gra fæ actionis
tias agit, dicens: * Primum quidem gratias ago Deo nitrix est, &
meo per Iesum Christum pro omnibus vobis, quia à solo Deo da-
fides vestra annuntiatur in vniuerso mundo. Ad tur.
Ephesios quoque scribens: * Propterea, inquit, & * Rom. I.
ego audita fide vestra quæ est in Domino Iesu, & di- Paullus pro
lectione in omnes sanctos, non cesso gratias agens donofidei Deo
pro vobis, memoriam vestri faciens in orationibus gratias agit.
meis, vt Deus Domini nostri Iesu Christi Pater glo- * Ephes. 5.
riæ det vobis spiritum sapientiæ & reuelationis in
agnitionem eius, illuminatos oculos cordis vestri,
vt sciatis quæ sit spes vocationis eius, quæ diuitiæ
gloriæ hereditatis eius in sanctis. Et ad Thessalonici-
enses: * Ideo & nos gratias agimus Deo sine inter- * 1. Thes. 2.
missione, quoniam cum accepistis à nobis verbum
auditu Dei, accepistis non ut verbum hominum sed
(sicut

(sicut est vere) verbum Dei qui operatur in **vobis** qui credidistis. Potuítne plenius aut euidentius demonstrari Dei esse donum credentium fidem, quām ut ideo agerentur gratiæ Deo, quoniam iij quibus verbum Dei per homines prædicabatur, nō quasi de hominum sermone dubitarunt, sed tamquam Deo loquenti per homines crediderunt, qui in ipsis est operatus ut crederent?

Et paulo post:

*** 1. Pet. 1.** Petrus quoque Apostolus ex Deo haberi fidem prædicans, ita scribit: * Scientes quōd non corrupti libib⁹ auro & argento redempti estis de vana con-
Petrus Apost. ex Deo habe- versatione vestra paternæ traditionis, sed pretioso sanguine quasi agni incontaminati & immaculati Christi Iesu, præcogniti quidem ante constitutio- nem mundi, manifestati autem nouissimis temporib⁹ propter vos qui per ipsum fideles estis in Deum, qui suscitabit eum à mortuis, & gloriam ei dedit, ut fides vestra & spes esset in **Domino.** **Tom. 2. lib. 1. de ro-**
cat. gent. Cap. 8.

IIII. Fidem non ita esse donum Dei, vt propter voluntatis motum, non sit pa- riter & liberi arbitrii.

Sicut animus nihil virtutis capit nisi radium vere acceperit luminis, ita gratia nihil ei quem vo-
cat, conferit: nisi oculos in eo aperuerit voluntatis. Quæ in plerisque (sicut superioris disputatum est) ab ipso initio sui ardentiſſima citis & magnis ditatur augmentis: in plerisque autem tarde cunctanterque proficiens, vix ad ea incrementa prouehitur, quæ idoneam ad perseverandum habeant firmitatē. Di-
*** Ioann. 6.** Vt credamus cit quidem Dominus: * Nemo venit ad me, nisi Pa-
et gratia Dei, ter qui misit me, attraxerit eū. Sed hoc ideo dictum et nosfer assen est, ut illam fidem sine qua nemo ad Christum venit,
ſue requiritur. ex Patris haberi munere nouerimus, secundum illud
*** Matth. 16.** quod Apostolo dicitur: * Beatus es Simon Bariona,
quia

quia caro & sanguis nō reuelauit tibi, sed Pater meus qui in celis est. Qui in cordibus trahēdorum hoc egit ut crederent, hoc effecit ut vellent. Non enim *Homogratia* esset unde traherentur, si sequaces fide & voluntate fidei iūstrato non essent; quoniam qui non credunt, nec trahuntur ab ea per omnino, nec veniunt, neque accedunt qui dissidenti liberā voluntate recedeunt. Qui ergo veniunt, amore ducuntur: dilecti enim sunt, & dilexerunt, quasiti sunt, & *repotest*. quæsierunt: & quod eos voluit Deus velle, voluerūt: qui ad obediendum sibi ipsum velle sic donat, ut etiā à perseverat uris illam mutabilitatem quæ potest nolle, non auferat. Alioquin nemo umquam fidelium recessisset à fide. Neminem concupiscentia vincleret, neminem tristitia elideret, neminem iracundia debellareret, nullius caritas refugesceret, nullius patientia frangeretur, & collatam sibi gratiam nemo negligeret. *Tom. 2. lib. 2. de vocat gent. Cap. 9.*

Non quòd dominemur fidei vestre, sed adiutores sumus gaudiī vestri. Fide enim statis.] Quoniam fides non necessitatis, sed voluntatis res est: ideo *des non necessitatis, sed voluntatis res* est: Non quòd dominemur fidei vestra. Domina *voluntatis res* est. *ad Corinth.*

V. *Quomodo fides, spes, caritas inter se affectae sint, & fides à caritate perficiatur, ac vilis redatur.*

Scriptura diuina vitam beatam in cognitione posuit diuinitatis, & fructu bonæ operationis. Denique utriusque assertionis Euangelicum suppet testimonium. Nam & de scientia ita dicit Dominus Iesus: *Hæc est autem vita æterna, ut cognoscant te solum verum Deum, & quem misisti Iesum Christum. Et de operibus ita respondit: *Omnis qui reliquerit domum, vel fratres, aut sorores, aut parentrem, aut matrem, aut vxorem, aut filios, aut agros propter

Scriptura diuina vitæ beatæ tam infide

fructu bonæ operationis

collocat.

* *Ioan. 17.*

* *Matth. 19.*

propter nomen meum, centuplum accipiet, & vitam æternam possidebit.

Et post pauca:

Fides vitam eternam habet Habet ergo vitam æternā fides, quia fundamen-tum est bonum. Habent & bona facta, quia vir iu-bere dicitur, stus & dictis & rebus probatur. Nam ethi exercita-quia fundame-tus sit in sermonibus, & desidiosius in operibus, pru-tum est bonū. dentiam suam factis repellit: & grauius est scire quid Halent et bo facias, nec fecisse quod faciendum cognoveris. Con-na facta, quia tra quoque strenuum esse in operibus, affectu infi-vir iustus & dum, ita est ac si virtuoso fundamento pulcra culmi-dictis & re-bus probatur. plus corruit: quia sine munimento fidei bona opera Pulcra simili- non possunt manere. Infida statio in portu nauem tudine ostendit perforat, & arenosum solum cito cedit, nec potest q uonodo fides impositæ edificationis sustinere onera. Ibi ergo ple-e: opera bona nitudo præmij, vbi virtutum perfectio, & quædam in-uehereant. factis atque dictis æqualitas est sobrietatis. *Tom. 1. lib. 2. Officiorum, Cap. 2.*

**11. Cor. 3.*

Doceris hac serie scripturarū fidem esse radicem virtutum omnium. Vnde & Apostolus ait: * Quia fundamentum nostrum Iesus Christus est: & quicquid supra hoc fundamentum adificaueris, hoc solum ad operistri fructum, & ad virtutis proficere mercedem. *Tom. 4. lib. 2. de Cain & Abel, Cap. 9.*

Fides principie um Christiani est, plenitudo iniustitia ita. Principium verborum tuorum veritas.] Fides principium Christiani est, plenitudo autem Christiani iustitia est. Fides in confessione populorum, iustitia in martyrum passione. *Tom. 4. Sermone 20. in psal. 118.*

**1. Cor. 13.* Denique Abraham credidit, & sic diligere coepit: Perf ecta caritas. & credit non ex parte, sed per omnia. Aliter enim ras rem fidem habere plenam non poterat caritatem, quia scriptum habet, sed non est: * Caritas credit omnia: Si non credit omnia, non cont ra omnis videtur caritas esse perfecta. Ergo perfecta caritas fides perfecta omnem fidem habet. Non tamen facile dixerim, quod caritatem. continuo omnis fides perfectam caritatem habeat, quia Apostolus dixit: * Si habeam omnem fidem ita

vt montes

vt montes transferam, caritatem autem non habem, nihil mihi prodest. Tom. 3.lib. Epist. 9.Epist. 74.

Date eleemosynam, & ecce omnia mūda sunt vobis.] Breuiter autem (Christus) Iudaorum vitia multa perstringit, qui vilium fructuum decimis cōferendis omne studium intendant suum, nec nullum furor iudicij metum, nec aliquam Dei habeant caritatem, cūm opera sine fide vana sint. Prætereunt enim iudicium & caritatem Dei. Iudicium ideo, quia non omnia quæ agunt, in iudicium referunt. Caritatem ideo, quia non ex affectu Deū diligunt. Sed ne rursus fidei nos studiosos faciat operum negligentes, perfectionem fidelis viri breui sermone concludit, vt & fidei & operibus approbetur, dicens: Hęc oportuit facere & illa non omittere. Tom. 5.lib.7.Comment. in cap.

II.Luce.

Circumcisio nihil est, & præputium nihil est.] Manifestum est, quia nec obest nec prodest. Sed obseruatio mandatorum Dei.] Id est, fides propitium facit Deum, si bonis operibus approbetur. Tom. 5.in cap. 7.1. Epist. ad Corinth.

Ergo impij non resurgunt in iudicio: hoc est, in portionem eorum qui iudicium subituri sunt: nec peccatores resurgunt in consilio iustorum. Vides quia surgunt impij, & non surgunt in iudicio iustorum: quia peccatores etsi non resurgunt in consilio iustorum, resurgunt tamen in iudicio. Vnde videntur qui bene crederunt, & fidem suam etiam operibus dederunt, et si exsecuti sunt, ipsi non iudicari, sed surgere in consilio dem etiā operi iustorum. Peccatores autem qui non possunt inter ribus exsecuti iustos surgere, surgent in iudicio. Habes duos ordinis: surgēt in iudicio. Tertius superest impiorum, qui quoniam non crediderunt, iam iudicati sunt: & ideo non resurgunt in iudicium, sed ad pœnam. *Dilexerunt enim magis tenebras quam lucem. Et ideo iudicium eorum pœna est, & forte pœna tenebrarum. Et poterat quidem intelligi quod iij qui mala opera habet, credentes tamen in Christum, volentes quidem recte vi-

Christus fidei
& opera con-
iungit.

ueret, sed vieti illecebris peccatorum, dilexerūt plor tenebras quam lucem. Id est, utrumque dilexerunt, sed magis tenebras. Sed quia de illis præmisit qui nō crediderunt: sic accipiendum puto, quod dilexerunt tenebras & non lucem. Lux enim Christus. Qui ergo non crediderunt luci, absurdum est ut lucem vel dilexisse creantur, quam nescierunt. Nescierunt enim, neque intellexerunt, in tenebris ambulant: sicut scriptum est. Tom. 4. in enarratione psalmi primi, fere ad finem.

C A P V T Q V A R T V M De Iustificatione.

I. Hominem suis operibus, quæ vel per humane naturæ vires, vel per legi doctrinam fiunt, absque diuina per Iesum Christum gratia coram Deo iustificari non posse.

Origo veræ vitæ veræque iustitiae in regenerationis est posita sacramento, ut ubi homo renascitur, ibi etiam ipsarum virtutum veritas oriatur. Et incipiunt ad perpetuam gloriam proficere per fidem, qui vix ad temporalem vanæ laudis poterant peruenire mercedem. Siue enim Iudeus legi scientia tumens, siue Græcus studio sapientię naturalis inflatus, prius quam iustificetur per fidem Christi, conclusus est sub peccato: & si in sua infelicitate perfitterit, ira Dei manet super eum, illa scilicet in Adæ prævaricatione contra ēta, de qua Apostolus loquitur, dicens: *Et vos cùm essetis mortui delictis & peccatis vestris, in quibus aliquando ambulastis secundum seculum mundi huius, secundum principem potestatis aeris huius, spiritus qui nunc operatur in filios dissidentiæ, in quibus & nos aliquando cōuersati sumus in desiderijs carnis nostræ, facientes

Iudei & Gre.

*ci sub peccato
concluduntur
dum iustificā
tur per fidem
Christi.*

*Ephes. 2.